

Bəra'inə nga ləkaləkatə nga Bulusə ka Timooti

¹ Wiinə ləkaləkatə ca dzə daciiki Bulusə. Ma nya, masləkee əndə nga Yeesu *Aləmasiihu nə nyi, makə sətə mwayi Əntanƣə. Kə sləkee ci ka nyi kaa nya waaza ka ənji agyanə əpinə ətə bii Əntanƣə, ka viinə nə ci daci Yeesu Aləmasiihu.

² Agi nəhəpaanə nə nyi tə hə Timooti. Ma ha, moodə uuzənaaki nə hə. *

Wa Əntanƣə Dəsənaamə da Slandanaamə Yeesu Aləmasiihu a ƣa ka hə pwapoonə, təya ƣa ka hə nga'əənə, təya vii ka hə ndzaanə jamə.

Kuyiriinə tə Əntanƣə putə nga vii goonƣa nga Timooti

³ Agi kuyiriinə nə nyi tə Əntanƣə taa guci patə cii kya buurətə tə hə agi ƣa də'wa; vədə da uusera cii kya ƣa ha'ə, pooshi bədanə. Tə ci cii kya paslə də nɣunyi ndzaanə, makə sətə nji dzədzəshi'inəki a paslə tə ci. ⁴ Ma nya buurətə tuunaaku putə nga təkənə gaanwə, nga'ə ka nyi nya ənə ka neenə ka hə ka shaŋə, kaa nya shii ƣa moodasəka. ⁵ Agi buurətənə nə nyi vii goonƣaaku nga tantanyinə, tsarə ətə nga kuku Looyisə da nga muu Afiniki. Kə shii nyi əsə, ma'ə hə ƣa vii goonƣakii. ⁶ Acii ha'ə, wanyinə ka buurətənə ka hə oo'i, tsakuu

1:1 1.1 1 Tim. 2.7. * **1:2** 1.2 Timooti: 1 Tim. 1.2; 1 Koor. 4.17.
1:3 1.3 Fil. 3.5; 1 Tim. 1.5. **1:5** 1.5 Slənə 16.1.

dzənə aakəŋwa də ɖa slənə də baawəɖatə kavə ɔntaŋfə aaciiku, waatoo, baawəɖa ətə vii ci ka hə saa'itə kavə nyi ciinə aanəku kaa ha ɖa slənə ŋga Yeesu Aləmasiihu. ⁷ Ma ɔntaŋfə, maviimə ci kaamə ədzəmə ŋga ŋgwalənə. Amma kə vii ci kaamə ədzəmə ŋga ndzaanə da ŋgeerənə da ŋga uufəshinə da ŋga ətətə na.

⁸ Acii ha'ə, maa ha wabə agyanə Slandanaamə, ga ayinə a ɖa tə hə. ɔndə furəshina nə nyi ka putaakii, amma ga ha ayi acii shiinə ŋga əŋji oo'i, guva-slənaaku nə nyi. Amma sə'watə sa ciba makə naaki putə ŋga Njunyi Habara, makə sətə vii ɔntaŋfə ka hə ŋgeerənə ŋga sə'watənə. ⁹ Ci luupaa taamə, ca 'watə taamə kaama ndzaanə ka əŋjaakii. Ma ɖii ci ha'ə, əntaa putə ŋga ŋunyi slənə gaamə, amma ha'ə mwayi ci ɖa ŋga'ənaakii. Waatoo, daga ŋukə ɖii ci aniya ŋga ɖanə ha'ə, kaa ca luupaa taamə daciai Yeesu Aləmasiihu. ¹⁰ Ma əndzə'i, makə shi Maluu gaamə Yeesu Aləmasiihu, kə baarii ɔntaŋfə furəŋə oo'i, kə ɖii ci kaamə ŋga'ənaakii. Kə əbipaa Yeesu ŋgeerənə ŋga wa, ca baarii oo'i, maa kə liwaamə Njunyi Habara, ka upaanə naamə əpinə ka ca'ə ndəŋwə ndəŋwə. †

¹¹ Nyi ka nəki maa, kə ta'i ɔntaŋfə tə nyi kaa nya ndzaa ka masləkee ənda da əndə waaza ka əŋji Njunyi Habarakii, nya dzəgunətə ka tii.

¹² Putakii əsə cii kya sa cibəna. Amma pooshi ayiiki, acii kə shii nyi ɔndətə vii nyi ka ci

1:6 1.6 1 Tim. 4.14. **1:7** 1.7 Rooma 8.15. **1:8** 1.8 2.9; Rooma 1.16. **1:9** 1.9 Af. 2.8-9; Tit. 3.5. † **1:10** 1.10 Yooh. 1.14; Tit. 3.6; əpinə da wa: 1 Koor. 15.20,55,57; Ibər. 2.14-15. **1:11** 1.11 1 Tim. 2.7.

goonga. Kə shii nyi ndilə ndilə əsə oo'i, ma Njunyi Habaratə ba'avə ci aaciiki, ka hadfatəginə nə ci dənə ka uusəratə nii kəya ənya. ¹³ Kəsətə tənə tənə tə njunyi wabəətsə jigunyii ka hə, ha dzəgunətə ka hara ənji, ha ndzaa da vii goonga, ha uufə tə Əntanfə da ənja makə sətə bii Yeesu Aləmasiihu. ¹⁴ Ga ha kapaa taa tə wu kaa ca zə'wee ka Njunyi Habaratsə ba'avə Əntanfə aaciiku. Amma kəsətə tənə tənə də baawəfa nga Malaaba Ma'yanə ənə asəkə ədzəmaamə.

¹⁵ Kə shii hə oo'i, patənə nga ənji nə'unə anə hanyinə nga Asiya, kə bwasee tii ka nyi, nyi daanəki. Ahadatii nə i Figilusə da Harəmagana əsə. ¹⁶ Amma, wa Slandanə a dfa ka ənji yi nga Wanasifara barəkaanə, acii ma ca, lanə nə ci agi əgə ka nyi ma'i rara'ə aasəkə ədzəməki. Paa ci ayi əsə nga anəənə anyi ənji tə nyi. † ¹⁷ Makə shi Wanasifara aa hanə aa Rooma, kə ali ci tə nyi ka shaṅə, kə nee ci ka nyi. ¹⁸ Wa Slandanə a dfa ka ci barəkaanə uusəratə nii kəya ənya ka dfa gəṅwanə ka ənja. Kə shii hə furəṅə makə sətə njii kəya dfa ka nyi nga'aanə də Afisa.

2

*Shikwa nga əndətə ca slənə ka Yeesu
Aləmasiihu

¹ 'Ya'ə uuzənaaki, ma hə, ndzaa da ngeerənə agi pwapoonə nga Yeesu Aləmasiihu. ² Ma sətə fii hə amaki akəṅwacii seedawanyinə lanə, bawə ka ənjitə da goonga ashitii, waatoo, ka

1:13 1.13 1.5; 1 Tim. 1.10. **1:14** 1.14 1 Tim. 6.20. **1:15** 1.15 4.16. † **1:16** 1.16 Wanasifara: 4.19.

ənjitə na mbee ka dzəgunətənə ka hara ənji əsə.

³ Sə'watə sa ciba putə nga Yeesu Aləmasiihu, makə sətə ci ŋunyi sooja a sə'watə ciba.

⁴ Ndzaanə makə sooja: ma əndətə ŋgirə ənji tə ci ka soojaanə, ka danə nə ci gazhi'waanə nga uudagi səkə nga gawa ka ha nga panə. Acii ha'ə, paa ci ka ka nəkii ka slənə uushi'inə ətə əntaa nga soojiinə. ⁵ Buurətə əsə agyanə əndə buurə huyihuyinə taa ləədfə uushi'inə. Acii ma əndə da tsarə buurətsa, paa ci ka upaa shikwa, madaamə ci kə nə'utə rəgwaninə nga buurənəkii.

⁶ Ndzaanə əsə makə mooza ətə ca da gazhi'waanə nga uuzanə, acii ci nə 'watə upaa zəmə nga ra. ⁷ Kavə nəku ka sətə cii kya ba ka hə. Acii maa dīi hə ha'ə, ka kavənə nə Əntanfə tə hə ka shii patənə nga uushi'iitə dəbee ha shii.

⁸ Buurətə tə Yeesu Aləmasiihu agi slikərənə nga Dawuda. Kə madəe Əntanfə ka ci agi maməətə ənja. Ha'ə cii kya ba, nya waaza Ŋunyi Habara. ⁹ Putə nga waaza Ŋunyi Habarakii cii kya sa cibə ha'ə, wanyinə ma'anəkii a furəshina makə ma'waslyakə ənda. Amma pooshi wabənə nga Əntanfə ma'anəkii, agi dzənə nə ənji aakəŋwa də waazanə. ¹⁰ Ka ətsə ha'ə cii kya sə'watə taa mi patə putə nga matadə ənji nga Əntanfə, kaa təya upaa luupaanə daciai Yeesu Aləmasiihu, tii maa, təya ndzaanə agi dūunuunə nga Əntanfə ka ca'ə ndəŋwə ndəŋwə. ¹¹ Ma

2:2 2.2 1 Tim. 1.10; 4.14. **2:5** 2.5 4.7-8. **2:8** 2.8 Rooma 1.3-4; 1 Koor. 15.4. **2:9** 2.9 1.8; Af. 3.1; Fil. 1.12-14. **2:10** 2.10 Rooma 5.2; Kwal. 1.24.

sənə cii kya moo banə, tantanyinə, waatoo,
 “Maa kə əŋkyaamə da i ca,
 ka upaanə naamə əpinə da i ci əsə.

¹² Maa kə gyaamə aakəŋwa də sə'watə ciba,
 ka d'anə naamə ŋwanjuunə da i ci əsə.

Maa kə bii amə mashiimaamə tə ci,
 ci maa, ka banə nə ci mashiimə ci taamə.

¹³ Maa pooshi amə da gooŋga,
 ma ci kamə, ka mbu'utəginə nə ci də
 gooŋgaanaakii,
 acii paa ci ka bwasee ka wabənaakii gərəfə a
 rəgwa yadə mbu'utəginə.”

Əndə slənə ŋga gooŋga

¹⁴ Ma uushi'iitə baabii nyi ka hə, duu də
 buurətənə ka ənja. Bawə ka tii akəŋwacii
 Əntanfə, ga təya ndzaa ka d'aada mabizhinə
 agyanə wabənyinə, acii ma tsarətsa, pooshi
 bwatyakii, madaamə lədfəgi də nə ŋga ənji ətə
 ca fa. ¹⁵ Ma ha, d'awə gazhi'waanə kaa ha ndzaa
 ka əndətə ca kadeesəkə ka Əntanfə, ha ndzaa
 makə ŋga əndə slənətə pooshi ka ayinə agi
 slənaakii, ha ndzaa ka əndətə ca bagi wabənə
 ŋga gooŋga ŋga'ə. ¹⁶ Ma ənjitə ca d'aada məza
 wabənə ətə ca saawee ka ləmə ŋga Əntanfə, ga
 ha ndzaa da tii. Acii ma təya, anəkii anəkii nə
 tii ka ŋusləginə agi nə'unə tə Əntanfə. ¹⁷ Ma
 wabənətii, agi tsakə aslənə makə ma'aslə'asla.
 Ahadatii nə i Himiniya da Filita əsə. * ¹⁸ Tii

2:11 2.11 Rooma 6.8. **2:12** 2.12 Mat. 10.32-33; Rooma 5.17.

2:13 2.13 Rooma 3.3-4. **2:14** 2.14 1 Tim. 1.3-7; 6.4; Tit. 3.9.

2:15 2.15 1 Tim. 1.10. **2:16** 2.16 1 Tim. 1.4. * **2:17** 2.17
 Himiniya: 1 Tim. 1.20.

ca dzəgunə ka ənji sətə mandzaamə ka goonğa, waatoo, təya ba, kə uugi Əntanfə madee ka maməətə ənja. Də ha'ə ci vii goonğa nga hara ənji a əntəgi. ¹⁹ Patə da ha'ə, ma goonğaənə ətə shi daciai Əntanfə, kə kəŋə də ngeerənə, makə faaratə mbuki ənji kuvə anəkii. Tə'i manaahəkii ashikii oo'i, "Kə shii Slandanə tə ənjaakii." Tə'i əsə manaahəkii oo'i: "Patənə nga ənjitə ca 'wa tə Yeesu də Slandana, wa təya bwasee ka slənə bwaya uushi'inə."

²⁰ Ma asəkə maduunə ya, tə'i kuyimiinə kama kama. Tə'i harakii nga əndzənə, tə'i nga tibisa əsə. Harakii əsə, nga ənfwə taa ndzaɓa ghənətə ənji. Ma hara kuyimiitsa, agi əndzanə slənəginə ənji. Ma harakii əsə, ka slənəginə ha'ə asii saakii. ²¹ Ha'ə əsə, taa wu patə bwasee ka slənə bwaya uushi'iitsa, ka ndzaanə nə ci makə ŋunyi kəŋwa ətə da məghərəvənə davə. Slandanə a kavə tə ci ka ɗa ŋunyi sləna, acii tə'i nafalaakii ka ci. Matasəkakii ndzaanəkii taa guci patə ka ɗa ŋunyi slənə əsə.

²² Acii ha'ə, ga ha ɗa bwaya uushi'iitə ci hara daguyinə a ɗa. Amma ndzaa yadə idəpaa uushi ashiku, ha ndzaa da vii goonğa, ha uudə ənja, ha ndzaa agi jamənə. Dawə ha'ə makə nga hara ənjitə ca kədii acii Slandana də malaaba moodəfa. ²³ Ma ənjitə ca ndzaa ka wabə mazabə uushi'inə pooshi bwatyakii, ga ha jikə aagi wabənatii. Acii kə shii hə, ma tsarə nga wabəətsa, ci ca kira mabizhinə. ²⁴ Ma əndə

2:19 2.19 Baan. 16.5; Yooh. 10.14. **2:20** 2.20 Rooma 9.21.

2:21 2.21 3.17. **2:22** 2.22 1 Tim. 6.11. **2:23** 2.23 2.16.

slənə nga Slandana, ga ca ndzaa ka daada mabizhinə da ənja. Amma, wa ca da nga'aanə taa ka wu patə, ca mbee ka dzəgunətənə ka ənji nga'ə, ca sə'watə ndzaanə da ənja. ²⁵ Ma ənjitə ca daada ka ci mabizhinə, wa ca banee ka haŋkalaakii akəŋwaciitii, ca dzəgunə ka tii. Mbu'u ka danə təya baanə ka Əntaŋfə kaa təya shii goonja. ²⁶ Maa dīi ha'ə, ka mbərədənə nə tii asəkə zaanwanə nga *Seetanə ətə kəshi tə tii, təya nə'u sətə bii Əntaŋfə.

3

Muudinə nga duuniya

¹ Yoo, see a shii hə oo'i, ma muudinə nga duuniya, kadə nə bwaya ənjə a kavə ənji ka sa cibə ka shaŋə. ² Acii ma saa'ikii, ka uudənə nə ənji natii na, kadə nə ənjə a uudə gəna, təya dūunətə natii na, təya dzaana tə Əntaŋfə, pa təya fa tə məsənətii da dəsənətii, pa təya kuyirii tə Əntaŋfə taa tə ənji tsakənə tə tii, təya bərapaa taa ŋgutə uushi, ³ pa təya uudə taa tə ənji yatii, pa təya uudə tə hara ənji əsə, təya laala jirakənə aashi hara ənji, təya təkuree ka sə'watə taa ŋgutə uushi, makə nga daba ndzaanə haŋkalatii, pa təya uudə taa ŋgutə ŋunyi uushi, ⁴ təya taŋəgi maguŋuura, purətə haŋkaliinə nə tii, təya zhi'wee ka nətii makə uushi, təya da sətə kadəesəkə ka tii, təya bwasee ka nga Əntaŋfə, ⁵ təya da makə agi paslənə

2:24 2.24 1 Tim. 3.3; Tit. 2.7-8. **2:25** 2.25-26 1 Tim. 2.4. **3:1** 3.1 1 Tim. 4.1; 2 Piita 3.3; 1 Yooh. 2.18; Yahu. 18. **3:2** 3.2-4 Gal. 5.19-21.

nə tii tə ci, amma təya kaaree ka tantanyinə
 nga baawəfaakii. Ma tsarə nga ənjitsa, ga ha
 ndzaa da tii. ⁶ Tə'i hara ənji ahadatii ca
 itə aa ha hara ənji aasii, təya dzə ka zhi'wee
 ka nə nga makinə ətə pooshi nətii ka hakii.
 Ma makiitə zhi'wee ənji ka nətii, kə ngərəma
 'waslyakəənə ədzəmətii, təya moo uushi'inə nga
 *duuniya kama kama. ⁷ Taa guci patə nə tii ka
 də gazhi'waanə nga dzəgunə uushi'inə, amma
 kə təkuree tii ka shii gooŋga. ⁸ Makə sətə shi
 i Yanasə da Yambəra a kaaree ka Muusa, kə
 kaaree ənjitə ka gooŋgaanə. See hiima bwaya
 uushi'inə, uushi zabə nə vii gooŋgatii əsə.
⁹ Amma pooshi məzaanatii ka ta'avənə, acii kadə
 nə taa wu a nee ka purətə hanjkalaanatii, makə
 sətə shi ənjə a nee ka nga i Yanasə da Yambəra.

Muudinə nga wabənə

¹⁰ Ma hə kamə, kə shii hə dzəgunənaaki nga'ə,
 kə shii hə ndzaanaaki əsə, da sətə cii kya
 dəfanə, da vii gooŋgaaki, da makə sətə cii kya
 sə'watə ndzaanə da ənja, da makə sətə cii kya
 uudə ənja, da makə sətə cii kya sə'watə taa
 ngutə ciba. ¹¹ Kə shii hə makə sətə sii
 nyi ngərə'wə da ciba, waatoo tə sətə slənyi tə
 nyi də Antakiya da Ikuniya da Lisətira. Kə
 sii nyi cibə ka shəŋə, amma patə da ha'ə, taa
 guci mwayi ənji dəfanə ka nyi, agi luupaanə nə
 Slandanaamə tə nyi. * ¹² Patənə nga ənjitə ca

3:5 3.5 Mat. 7.15,21; Rooma 2.19-20; Tit. 1.16. **3:6** 3.6 Tit.
 1.11. **3:8** 3.8 Shig. 7.11,22; 8.3,14; 1 Tim. 6.4-5. **3:10** 3.10
 Rooma 16.24; 1 Tim. 1.5. * **3:11** 3.11 Slənə 13.50; 14.5; 14.19;
 ciba: Jab. 34.20; 2 Koor. 11.23-29.

moo ndzaanə ləbə da Yeesu Aləmasiihu makə sətə mwayi Əntanƒə, ka sanə nə tii ciba acii ənja.

¹³ Ma bwaya ənji da majirakinə, ka tsakənə nə tii dzənə aakəŋwə aakəŋwa də ndzaanatii ha'ə. Də ƒanə ha'ə ci təya ha'u də natii na, təya ha'u də hara ənji əsə. ¹⁴ Amma, ma hə, duu aakəŋwa də ndzaanə agi gooŋgaanaaku makə sətə jigunyi ənji ka hə, ha luuvə də ədzəmə rəŋwə, acii kə shii hə ənjitə jigunyi ka hə, ¹⁵ ha buurətə oo'i, daga hə ma'ə uundzə uuzənə, kə shii hə malaaba ləkaləkətə. Ci ca cicirətə tə hə kaa ha shii upaa luupaanə putə ŋga vii gooŋga ka Yeesu Aləmasiihu. ¹⁶ Patənə ŋga wabənə asəkə malaaba ləkaləkətə, da ma Əntanƒə shigi. Tə'i bwatyakii əsə ka rəgwa ŋga dzəgunə wabənə ŋga gooŋga ka ənja, da dzalənə də ənja, da hadatəgi də ənji maa kə ƒii tii 'waslyakəənə, da kaa ca ɓarii kaamə makə sətə caama ndzaanə ŋga'ə. ¹⁷ Ma ətsə ha'ə, kaa əndə ŋga Əntanƒə a ndzaa matasəkakii ka shaŋə, ca ndzaa mambu'ukii bahə ƒa ŋunyi sləna.

4

¹ Ma Yeesu, ka ənyanə nə ci, ca shi ka ƒa ŋwanuunə, ci na ƒa gəŋwanə ka ənjitə da i əpinə da ənjitə məəki. Acii ha'ə, wanyinə ka banə ka hə akəŋwacii Əntanƒə da Yeesu Aləmasiihu, ² waazawə wabənə ŋga Əntanƒə,

3:12 3.12 Mat. 16.24; Yooh. 15.20; Slənə 14.22; 1 Tees. 3.3.

3:14 3.14 2.2; 1 Tim. 1.10. **3:15** 3.15-16 Yooh. 5.39; Rooma 15.4; 1 Tim. 4.13; 2 Piita 1.21. **3:17** 3.17 2.21. **4:1** 4.1 Slənə 10.42; 2 Koor. 5.10; 1 Piita 4.5.

ha da gazhi'waanə nga zhi'wa də nə nga ənja, taa kə mwayi tii fa wabənəkii, taa pooshi. Maa kə dīi ənji bwaya bwayaanə, dzaluu tə tii, ha hada də tii, ha vii ka tii ngeerənə kaa təya da nnyuni sləna, ha da gazhi'waanə nga sə'watə taa mi patə saa'itə ha dzəgunə ka ənja. ³ Dawə ha'ə, acii tə'i saa'i na shi ətə pooshi ənji na moo fa nnyuni dzəgunənə. Amma, makə see sətə kadeesəkə ka tii nə təya moo fanə, ka jaajatənə nə tii də ənji dzəgunənə laŋə, kaa təya dzəgunə ka tii makə sətə mwayi tii. ⁴ Ka njiikəginə nə tii liminətii ka fa goongaanə, təya dzəgərə ka fa jirakənə. ⁵ Amma, ma ha, duu aakəŋwa də ətsətə naaku nə taa agi mi patə, ha sə'watə taa ngyutə sa ciba, ha waaza Nnyuni Habara ka ənja, ha mbu'utəgi də slənətə vii Əntanfə ka hə.

⁶ Ma nyi kamə, ka ndzaanə nə nyi makə sataka ətə ci ənjə a vii ka Əntanfə, waatoo kə mbu'ya saa'i nga əntənaaki. ⁷ Kə dīi nyi gazhi'waanə nga slənə goongaanə, kə uudəpaa nyi slənaaki əsə, masaaweemə nyi ka vii goongaaki əsə.

⁸ Kə shii nyi oo'i, ma uuseratə nə Slandanə a ənya, tə'i shikwa ca gərə tə nyi aciikii putə nga ndzaanaaki matsəkii akəŋwaciikii. Ma ca, əndə la gəŋwanə də rəgwakii nə ci. Əntaa ka nyi nyi daanəki nii kəya vii shikwakii əsə, amma da i ka patənə nga ənjitə ca moo ənyanaakii ka shaŋə.

Hara wabənyinə

4:2 4.2 Slənə 20.20,31; Tit. 1.13. **4:3** 4.3 1 Tim. 1.10; 4.1.
4:4 4.4 1 Tim. 1.4. **4:6** 4.6 Fil. 2.17; 2 Piita 1.14. **4:7** 4.7-8
 1 Koor. 9.24-25; Fil. 3.12-14; 1 Tim. 1.18.

⁹ Ma danəkwa, dawə gazhi'waanə nga shineə aa hanə aabiiki pii pii, ¹⁰ acii ma Dimasə, kə bwasee ci ka nyi putə nga uufə uushi'inə nga duuniyana, ca palə saakii aa Teesaloonika. Kə pyalə Karasəka aanə hanyinə nga Galatiya. Titusə əsə, kə pyalə ci aanə hanyinə nga Daləmatiya. * ¹¹ See Luka mbədaanə abiiki. Ma ha sha, 'waanə tə Marəkusə, una pyalya, kaa ca shi ka tsakənə tə nyi agi sləna. † ¹² Acii Tikikusə maa, kə sləkee nyi ka ci aa Afisa. ‡ ¹³ Ma ha sha, ngiraanə ka nyi kəjeerənaaki nga kəla də əra ətə bwasee nyi ga Karəpusə də Tərawasə. Ha ngiraanə əsə ləkələkatənyinə, ma palee maa, ətə nga kuvə'unə.

¹⁴ Ma Aləkəsandəra ənhya, kə dfii ci ka nyi bwaya bwayaanə ka shaŋə. Slandanə na ki'itə ka ci bwaya bwayaanaakii. § ¹⁵ Aa ha nəhə naaku nə aciikii əsə, acii kə dfii ci gazhi'waanə nga dzavə waaza Njunyi Habara aa meenə ka shaŋə.

¹⁶ Ma saa'itə nyi akəŋwacii gəŋwanə nga təkəŋwanə, pooshi əndə gi ka pərapaanə tə nyi taa rəŋwə. Ənji patə, kə bwasee tii ka nyi. Wa Əntaŋfə a tifyagi ka tii 'waslyakəətsatii!

¹⁷ Amma kə kəŋaanə Slandanə kədəhə da nyi, ca tsakə ka nyi ngeerənə nga waaza Njunyi Habara furəŋə, hara slikerənə patə asəkə kuvə gəŋwanə a fa; kə luupaa Slandanə tə nyi ama

* **4:10** 4.10 Fil. 2.21; Dimasə: Kwal. 4.14; Filim. 24; 1 Yooh. 2.15; Titusə: 2 Koor. 2.13. † **4:11** 4.11 Luka: Kwal. 4.14; Marəkusə: Kwal. 4.10. ‡ **4:12** 4.12 Tikikusə: Kwal. 4.7-8. **4:13** 4.13 Slənə 20.6. § **4:14** 4.14 Mat. 16.27; Aləkəsandəra: 1 Tim. 1.20. **4:16** 4.16 1.15.

wə əsə. ¹⁸ Acii ha'ə, kə shii nyi, ka luupaanə nə Slandanə tə nyi acii taa ŋgutə tsarə ŋga bwaya uushi, ca kərə tə nyi jamə aadəgyə, hatə cii kəya də ŋwanuunə. Naakii nə ɗuunuunə ka ca'ə ndəŋwə ndəŋwə. *Aamiina.

Tsakə nəhəpaanə

¹⁹ Nəhəpaa ka nyi tə Pərisəkila da Akila da ənji yi ŋga Wanasifara. * ²⁰ Kə ənəgi Irasəta də Koorintiya, nya bwasee ka Tərafima də Milita acii paa ci fatə ndaŋə ndaŋənə ŋga shishinəkii. † ²¹ Dawə gazhi'waanə ŋga shinə taabu'u ɗanə vyanə. Ma i Abulusə da Pudisə da Linasə da Kəlawudiya da patənə ŋga ndzəkəŋushi'inə ənji nə'unə, kə nəhəpaa tii tə hə.

²² Wa Slandanə a ndzaanə a ədzəməku, ca ɗa koonə pwapoonə.

4:17 4.17 Dan. 6.21; Jab. 22.22; Slənə 1.8; 23.11. **4:18** 4.18 2 Koor. 1.10; Fil. 1.19-20. * **4:19** 4.19 Akila da Pərisəkila: Slənə 18.2; Wanasifara: 2 Tim. 1.16-17. † **4:20** 4.20 Irasəta: Slənə 19.22; Rooma 16.23; Tərafima: Slənə 21.29.

Kura Aləkawalə ɲga Əntaɲfə
Gude: Kura Aləkawalə ɲga Əntaɲfə New Testament
copyright © 2000 Wycliffe Bible Translators, Inc.

Language: Gude

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 21 Feb 2024 from source
files dated 29 Jan 2022

56396c70-45d3-5118-be46-8c4c3fec34f1